



ԵՐԵՎԱՆԻ ՔԱՂԱՔԱՊԵՏԱՐԱՆ

ՀՀ, 0015, ք. Երևան, Արգիշտիի 1

№07/18280-23

«03» փետրվարի 2023թ.

**ՓԱՍՏԱԲԱՆ՝ ՎԱՀՐԱՄ ԵՆՈՔՅԱՆԻՆ ԵՎ
ՔԱՂԱՔԱՑԻ՝ ԳՈՒՐԳԵՆ ԱՎԱԳՅԱՆԻՆ**
ք. Երևան, Արցախի պ., 12ա., բն.4

Հարգելի՛ պարոնայք,

Ի պատասխան Ձեր 02.02.2023 թվականի հ. Դ-13514-23 դիմումի՝ հայտնում եմ, որ ըստ էության, որպես վարչական ակտի անվավերության հիմնավորում Ձեր կողմից վկայակոչվում է երկու իրավական փաստարկ, դրանք են՝

1. Վարչական ակտի հասցեատերը պատշաճ չի ծանուցվել վարչական վարույթի անցկացման տեղի և ժամանակի մասին, քանի որ ծանուցագրեր առաքվել են 12ա 2., բն. 4 հասցեով,
2. Տուգանքի չափը սահմանվել է առավելագույն չափով:

Անդրադառնալով Ձեր կողմից վկայակոչված վարչական ակտի անվավերության առաջին հիմնավորմանը՝ հարկ ենք համարում նշել հետևյալը.

Որպես Ձեր կողմից նշված դատողության հիմնավորում վկայակոչվում է, այն փաստական հանգամանքը, որ վարչական վարույթի անցկացման տեղի և ժամանակի մասին ծանուցագիրն առաքվել է ոչ թե Երևան քաղաքի Սարի Թաղ 6 շարք 166 տուն հասցեով այլ Երևան քաղաքի Արցախի պողոտա 12ա ., բն. 4 հասցեով:

Անդրադառնալով վերոգրյալ դատողության վարչական մարմինն արձանագրում է, որ տվյալ դիտարկումն չի համապատասխանում իրականությանը և ամբողջությամբ հերքվում է վարչական վարույթի նյութերով: Մասնավորապես՝ քննարկվող վարչական վարույթի շրջանակներում առաջին նիստը նշանակված է եղել 22.11.2022 թվականին ժամը 11:30-ին, որի վերաբերյալ ծանուցագրերն առաքվել են թե ք. Երևան Սարի-Թաղ 6 շարք 166 տուն և թե ք. Երևան Արցախի պ., 12ա 2., բն. 4 հասցեներով, սակայն համապատասխան առաքանիների ստացման վերաբերյալ ապացույցները երկշաքաթյա ժամկետում չեն վերադարձվել Երևանի քաղաքապետարան, որպիսի պայմաններում վարչական վարույթի նիստը հետաձգվել է և նշանակվել է 13.12.2022 թվականին ժամը 14:30-ին, որի վերաբերյալ ծանուցագրերը ևս առաքվել են ք. Երևան Սարի-Թաղ 6 շարք 166 տուն և ք. Երևան Արցախի պ., 12ա 2., բն. 4 հասցեներով: Առաքմանը զուգահեռ համապատասխան ծանուցագրերը 02.12.2022 թվականին տեղադրվել են նաև ինտերնետով ծանուցումների պաշտոնական ինտերնետային կայքում, ուստի տեղադրման օրվան հաջորդող 5-րդ օրը Վիկտորյա Վահանյանը համարվել է «Վարչարարության հիմունքների և վարչական

Հատկանշական է, որ ներկայումս ներկայացված դիմումով որպես Ձեր պատշաճ ծանուցման հասցե ևս նշված է ք. Երևան Արցախի պ., 12ա շ., բն. 4 հասցեն:

Վերոգրյալ դատողությունների հիմքում ընկած ապացույցները գտնվում են վարչական վարույթի նյութերում, իսկ Ձեր կողմից ներկայացված դատողությունները զուրկ են իրավական հիմնավորումից և այդ իրավական հիմնավորման հիմքում ընկած ապացույցներից, ուստի այդ դատողությունը չի կարող ծառայեցվել վարչական ակտի անվավերությանը:

Անդրադառնալով Ձեր կողմից վկայակոչված վարչական ակտի անվավերության երկրորդ հիմնավորմանը՝ հարկ ենք համարում նշել հետևյալը.


Որպես Ձեր կողմից նշված դատողության հիմնավորում վկայակոչվում է, այն փաստական հանգամանքը, որ վարչական մարմինը առանց ծանրացնող հանգամանքի առկայության ընտրել է տուգանքի առավելագույն չափը, ինչը ևս իրավագուրկ է, քանի որ իրավախախտում կատարած անձ Վիկտորյա Վահանյանը, 19.10.2022 թվականին վարչական իրավախախտման վերաբերյալ արձանագրության կազմումից հետո, կրկին շարունակել է հակաիրավական վարքագիծը՝ շարունակելով ինքնակամ շինարարական աշխատանքների իրականացումը՝ անտեսելով Երևան համայնքի ներկայացուցիչների ապօրինությունը չշարունակելու վերաբերյալ հորդորների:

Վարչական իրավախախտումների վերաբերյալ օրենսգրքի 34-րդ հոդվածի 1-ին մասի 1-ին կետի համաձայն՝ Վարչական իրավախախտման համար պատասխանատվությունը ծանրացնող հանգամանքներ են համարվում՝ հակաիրավական վարքագիծը շարունակելը, չնայած այն դադարեցնելու մասին դրա համար լիազորված անձանց պահանջին:

Տվյալ դեպքում, վարչական մարմնի տիրապետման ներքո առկա են իրավախախտման հայտնաբերման պահին՝ 19.10.2022 թվականի դրությամբ կատարված լուսանկարներ, ինչպես նաև հիշյալ օրվանից հետո կատարված լուսանկարներ, որոնցով հստակ երևում է, որ արձանագրության կազմումից հետո հակաիրավական վարքագիծը ևս շարունակվել է, ուստի առկա է վարչական իրավախախտման համար Վարչական իրավախախտումների վերաբերյալ օրենսգրքի 34-րդ հոդվածի 1-ին մասի 1-ին կետով նախատեսված պատասխանատվությունը ծանրացնող հանգամանքը, որպիս պայմաններում իրավագուրկ է դատողություն առ այն, որ առկա չէ ծանրացնող հանգամանքներ տուգանքի առավելագույն չափը կիրառելու համար:

Ամբողջ վերոգրյալի հաշվառմամբ վարչական մարմինն արձանագրում է, որ առկա չէ իրավական հիմք 13.12.2022 թվականի կայացված «Վարչական տույժ նշանակելու մասին» թիվ Վ-50/12 որոշումը բեկանելու համար:

2/5/2023

X 
ԱՐԱՄ ՄԱՐՏԻՐՈՍՅԱՆ

Signed by: MARTIROSYAN ARAM 1310890994

ՀԱՐԳԱՆՔՈՎ՝

ԻՐԱՎԱԲԱՆԱԿԱՆ ՎԱՐՉՈՒԹՅԱՆ

ՊԵՏԻ ՏԵՂԱԿԱԼ

ԱՐԱՄ ՄԱՐՏԻՐՈՍՅԱՆ